

張季子九錄

專錄

冊
五

專錄

卷七

年譜卷下

清光緒二十一年乙未四十三歲。

聞畏皇病卒於吳淞。班復齋廣盛軍中。

張孝達由湖廣總督移督兩

江。奏請朝旨任余總辦通海團練。鑒鄉先輩辦團練籌款之弊。不任募捐。以書二十四。續付典肆。抵質銀千圓。分助通海團練。爲鄉人倡。

四月二十一日。葬先君暨葛太夫人於城東王字河東。

聞天津和議成。

和約十款。一韓自主。二割全台奉天九州縣。三換約後三個月撤軍。四賠二萬萬兩。換約後半年還五千萬。再半年還五千萬。餘六年清還。加息五分。五蘇杭沙市通商。六內地皆通商。七兩月內派員會同劃界。八駐兵威海。每年給兵費五十萬。賠款清後撤九俘虜彼此送還。十限六個月議通商詳款。現停戰期滿。展限至四月十四日。以便期內換約。蓋賠款割地之

辱兼之。

見臺民憤抗布告天下之文。

閏五月通海團練撤防。

六月至江寧。詣南皮。論下不可無學。學不可無會。若何實地進行。

七月。南皮留談商務。歸有籌闢海門濱海荒灘之議。

舉債營先君遺言。

欲舉之家廟義莊社倉石路石橋書箴籌策之助爲多。

八月。聞東南卒。東南無世俗氣。有治事才。失此良友。可痛。

戶部有減官。

俸加厘捐議。言於御史熙麟。疏論其不可。并請奏飭江北州縣悉復道光朝林文忠撫蘇時之溥善堂。免地方因人命被吏胥之擾累。

十月。節齋約與康長素黃仲弢列名開強學會。南皮爲會長。長素初名祖詒。更名有爲。與節齋皆粵人。皆舊識。節齋爲陳蘭浦先生弟子。康爲朱九江先生弟子。康教授廣州。門徒甚衆。有梁卓如啓超。其高足弟子也。中國士大夫之昌言集會自此始。

十一月。辭書局總校。

十二月南皮聘繼黃先生長文正書院

辭崇明瀛洲書院

爲通花

布商議辦認捐事至繁複而膠葛口舌辨難文牘疏解幾於十反

歲

終計負債已七千餘圓而所以謀竟先志者尙未終先志者父事也負債者子事也父有志而子不能竟安用子爲家祭陳告必以二年成之

二十二年丙申四十四歲

正月認捐事垂成矣司局持酷議限商認繳之數必解制錢不論年歲豐歉若短必州廳具結認賠以是終不成乃知以急策斂財者不善其後未有不病民者於曾胡何責也叔兄爲南皮調湖北任宜昌川鹽加釐局坐辦

二月至江寧任文正書院院長先往安慶弔東甫之喪謁孫師母還校孫先生年譜雜記東甫前屬也江謙江導岷東曰瑄陸宗輿郭鴻詒文徽

潘世杰沈書升從子亮祖從學於書院應兼安徽巡撫沈仲復秉成

安慶經古書院院長之聘

復通州孔廟樂舞設采芹會并建海如泰

合習廟樂之議。請學院龍資生侍郎湛霖延瀏陽唐某等爲樂舞教員。
議城濠魚堰。

二月。翁尙書罷毓慶宮值。

三月。與兩江總督新寧劉峴莊坤一議興通州紗廠。

先是南皮以中日

馬關約。有許日人內地設工廠語。謀自設廠。江南北蘇州通州各一。蘇任
陸鳳石潤庠。通任余。各設公司。集資提倡。此殆南皮於學會求實地進行
之法。余自審寒士。初未敢應。既念書生爲世輕久矣。病在空言。在負氣。故
世輕書生。書生亦輕世。今求國之強。當先教育。先養成能辦適當教育之
人才。而秉政者既闇蔽不足與謀。擁資者又乖隔不能與合。然固不能與
政府隔。不能不與擁資者謀。納約自牖。責在我輩。屈己下人之謂何。踟躇
累日。應焉。初號召發起人。應者沈敬夫劉一山潘鶴琴郭茂之陳維
鏞樊時薰六人合組。而余任通官商之郵案。既定。遷延不效。由汪知州撤
樊陳二人。李相使俄慈禧太后召見。李摺呈五十七人禁勿用。首文

廷式李出京御史楊崇伊劾廷式罷遣

四月聞丁恆齋外放沂州知府

聞慈禧爲穆宗立端王之孫溥儀爲子

五月歸

七月家廟義莊上梁

延太倉李虎臣以炳同至江寧課從子亮祖仁祖

八月辭安慶經古書院讓黃先生先生故長文正書院以南皮去辭而讓余

九月爲紗廠事歸規度廠基於州城北唐家閘陶朱壩

十月改議通紗廠官商合資官以久閣滬上之機估值五十萬兩爲本由商

集資五十萬兩合之

十一月二十三日行家廟落成禮奉四代主入廟

梁姬吳姬來歸

二十三年丁酉四十五歲

長文正書院

正月至三姓街家廟祭始遷祖祭金沙西亭通城祖考墓宋蓬山先生墓

謁孔廟

家廟行焚黃禮

祭東臺外祖父母墓

從子亮祖

娶於沈氏。

辦掘港豐利二場災賑。

翰林院述掌院語與京友連

電促到院均辭。

二月同書箴敬夫立卿一山至滬與潘郭會議定三月內集資二十萬造廠。

與室人同至江寧。

三月至武昌與南皮說通廠事。

四月吳梁二姬至江寧室人歸。通海蠶桑爲釐捐總局所阻闕。

六月宋紫卿先生卒。從子亮祖病卒。通紗廠以潘郭屢報集股有

成數屢不效。七月乃與盛宣懷議所訂用之官機四萬八百锭合領分辦。冀按二萬四百锭之值二十五萬兩由商集二十五萬兩數輕而易舉也。

新寧檄商務局以潘郭集資屢不效屢請退撤之於是通廠之責乃專在余。是時余僅集六萬餘兩。寧商務局桂道嵩慶許任募十萬兩亦口

惠無實。

八月三叔父卒自迎養常樂以來已十餘年曾以農政全書法從先君索田

二十餘畝試種不效舉止遂失常度至是卒

九月海州延兼書院辭

梁吳二姬歸

叔兄至江寧

十月以通廠集資事至滬旅費乏鬻字

十一月定造廠包工價九萬兩

約書箴至廠爲助

定廠約

遣

從子仁祖從學於湖北方言學堂

叔兄在京山唐心口多寶灣隄工

試海門蘆柞煉糖

成歸籍記

二十四年戊戌四十六歲

長文正書院

正月營所居常樂鎮二十八圩社倉

十八日酉時怡兒生

二月七日從孫延武生

編本支系譜

劉總督以所條陳海門墾荒

事入奏委道員錢德培來勘視

三月紗廠興工

爲新寧擬變通開墾海門荒灘奏略

閏三月入都銷假補散館試

常樂鄉民誤會社倉意毀倉董許聘三之

家。副都統景祺奏行間架稅。同時又行中允黃思永奏請之昭信票。

二十六日見翁尚書言間架稅之弊甚於昭信票。二十八日見

申戒昭信票之諭旨。

四月復見尚書言之。尚書立命駕往戶部曰。改過不悛。不可以需賊事。因請

電傳九督撫。請翁尚書停江北米糧捐。爲草留已收之昭信票款於

各省辦農工商務奏。上翁尚書理財標本急策。恭親王奕訢卒。

度朝局將變。十八日保和殿試散館。十事對九賦。霈澤施蓬蒿。試帖。

試時謄至第四韻。四川胡峻越余坐前。過觸几。激墨點污卷。如豆。旣

刮重寫。乃脫一字。臨行知之。復刮三十字重寫。疵類殊甚。列二等三十七

名。始用初花眼鏡。聞近常樂鎮之龔某扇衆燬常樂社倉。

二十二日見翁尚書所擬變法諭旨。爲翁尚書擬大學堂辦法。

二十七日見翁尚書開缺回籍之旨。見文武一品官及滿漢侍郎補授者

均具摺謝太后之旨。二十八日徐致靖昨保舉之康有爲張元濟召

見 二十九日乾清宮引見德宗神采凋索

諸翁尙書已治裝謝

客因請見引朱子答廖子晦語勸速行

識宗室伯莸編修壽富與爲

友竹坡侍郎寶廷子也

五月旅費竭賣字二百金卽止

聞江南米貴每石銀八圓

十三日

送翁尙書於馬家鋪

是時通紗廠股本經惲祖祁助募共祇十八萬

兩耳尙缺七萬而建築將成就京募有二三萬可望鄉人某毀阻不諧

六月二日赴翰林院聽宣

辭孫尙書奏派大學堂教習

三日丑刻

詣翰林院清閱堂請假卯刻出京合甲午計前後在官一百二十日

五日候船於天津船以上海有甬人與法人爭地之鬩不開詣卜肆卜人

云七日行果應

在京聞康有爲與梁啓超諸人圖變政曾一再勸勿

輕舉亦不知其用何法變也至是張甚事固必不成禍之所屆亦不可測

康本科進士也先是未舉以監生至京必徧謁當道見輒久談或頻詣見

余嘗規諷之不聽此次通籍寓上斜街名所居爲萬木草堂往晤見其僕

從伺應若老大京官排場。且賓客雜遝。心訝其不必然。又微諷之。不能必其聽也。回通議九場文墾事。

七月。唐侍郎景崇以經濟特科薦。新寧奏設商務局商會。各省之有商

務局商會始此。屬總理商務局商會。辭不獲允。

八月二日。鄭太夷被薦。召見賞道員。充總理衙門章京。六日。太后復臨

朝。逮捕康有爲。有爲逃。各國兵艦集天津。詰總理衙門。問上病狀。袁

世凱護理北洋大臣。德宗有疾。召京外醫。逮捕梁啟超。啟超亦

逃。楊深秀。楊銳。林旭。譚嗣同。劉光第。康廣仁。被戮。徐致靖。永禁。張蔭

垣。李瑞芬。戍新疆。逮文廷式。褫湘撫陳寶箴吏部主事陳三立。編修江標

熊希齡職。爲新寧擬太后訓政保護聖躬疏。大意請曲赦康梁。示宮

庭之本無疑貳。此南皮所不能言。劉於疏尾自加二語。曰。伏願皇太后皇

上慈孝相孚。以慰天下臣民尊親共戴之忱。乃知沈文肅昔論劉爲好幕

才。章奏語到恰好。蓋信。

九月商務開局。

聞南皮奏上勸學篇。意持新舊之平。而何啓訐其騎牆。

徐桐咎其助新人盡危矣。

十月。聞剛毅許應騷承太后之意旨。周內翁尙書於康梁獄。故重有革職永不敘用。交地方縣官編管之諭旨。通廠集款。仍無增益。求助於南皮。

無效。告急於新寧。亦委謝不顧。乃辭廠。辭商務局。答委蛇慰留。飭通知州海同知協募。知州則出示諭董籤役四出而已。無少效。亟止之。

聞太

倉王先生卒。

二十五年己亥。四十七歲。

仍長文正書院。

政府任爲學部諮議。

二月。省翁尙書於老塔前宅。公約遊虞山興福寺。連珠洞。三峯清涼寺。

至無錫祭趙先生墓。

三月二十九日。紗廠機裝成。試引擎。始有客私語。廠內雖高。何時出煙。茲復

私語。引擎雖動。何時出紗。

辭商務局總理。

四月十四日開車紡紗召客觀之。

五月叔兄查賑吉安水災。

聞黃先生卒於瑞安。

廠終以本絀不支。

僅有之棉不足供紡。賣紗買棉時苦不及留滬兩月。百計俱窮。函電告急於股東者七次。無一答。仍以賣字給旅費。苦語相慰者。眉孫太夷二人而已。不得已有以廠出租三年之表示。慈谿嚴某涇縣朱某必欲短折租價。久復辨論。六月四日議訂之草約。六日惡其無禮不諧。蓋商股本止十八萬有奇。官機作股二十五萬。合四十三萬。余謂開辦以來。五年度用不及萬。以是請照五十萬論租。嚴朱云可。特別重酬。而租不可越四十三萬之外。以爲股本實止四十三萬。且以余爲可貨也。無禮甚惡之。盛某祝某復欲租議兩日亦不諧。十九日重訂嚴朱約。列說告江督。取進止。江督不可。嚴說然。款不繼。非白手所能進取。而又不可中止。惟有忍氣待時。堅志赴事。更無他策。幸紗價日長。時十二支躉銷六十五兩。零銷六十七兩。七月至杭州招股無效。

總督屬蘇松常鎮蕪湖九江四關道各督銷局。

海州分司助募廠股亦無效。惟正陽關督銷沈愛蒼瑜慶海州分司徐星槎紹垣投資二萬耳。他人不募而訾其非。紗廠至此強支已四月。

八月叔兄調任貴谿。治民教閩亂事。時貴谿全縣法天主教堂盡燬。縣民所在揭旂書官逼民三字。衣書大清國光緒義民七字。連近五縣留漕公用。聞兄再任。咸約不動丁漕待處分。

九月紗廠以售值日起展轉買棉供紡。不停輟。至江寧新寧拱手稱慶。對之曰。棉好地也。機轉天也。人無與焉。曰。是皆君之功。曰。事賴衆舉。一人何功。曰。苦則君所受。對曰。苦乃自取。孰怨。曰。但成折本亦無妨。對曰。成便無折本可言。曰。願聞所持之主意。曰。無他。時時存必成之心。時時作可敗之計。曰。可敗何計。對曰。先後五年生計。賴書院月俸百金。未支廠一錢。全廠上下內外數十人。除洋工師外。一切俸給食用開支。未滿萬金耳。新寧俛首附掌。嗟嘆久之。

聞太后立端王子溥儀爲上子。兼祧穆廟。明正內禪。改元普慶。人心惶惶。新寧奏國事乞退疏。有以君臣之禮來以進。

退之義止語近代僅見

葬從子亮祖於金太夫人墓昭位

二十六年庚子四十八歲

正月蓄鬚

延書箴到廠爲助

聞有今上三十萬壽開科之說庚子

例有正科今以國慶加爲萬壽乎爲內禪乎不可得而知要爲多故之兆

叔兄補宜春縣貴谿教案定

二月新寧入覲

十六日大雪盈尺

日人岩崎西村僧長谷川至院

論學因借小住

三月得彥升眉孫訊聞政府羅織黨人甘陵之禍將及屬遠避余與康梁是羣非黨康梁計畫舉動無一毫相干者內省不疚何憂何懼謝之

選

文正書院課藝

聞意園先生卒爲位祭而哭之

四月重修常樂二十八圩社倉成定社倉約

爲從子仁祖娶於顧氏

五月北京拳匪事起其勢熾于黃巾白波二十二日聞匪據大沽口江南震

擾江蘇巡撫李秉衡北上

言於新寧招撫徐懷禮免礙東南全局

愛蒼至寧與議保衛東南

陳伯嚴三立與議迎鑾南下

蟄先

至寧議追說李秉衡以安危大計勿爲剛趙所誤不及

至滬與眉孫

愛蒼議由江鄂公推李相統兵入衛

與眉孫愛蒼蟄先伯嚴施理卿

炳燮議合劉張二督保衛東南余詣劉陳說後其幕客有沮者劉猶豫復引余問兩宮將幸西北西北與東南孰重余曰無西北不足以存東南爲其名不足以存也無東南不足以存西北爲其實不足以存也劉蹶然曰吾決矣告某客曰頭是姓劉物卽定議電鄂約張張應

六月聞德使被匪戕於京

李秉衡鹿傳霖皆以義民目拳匪者先後俱

西聞匪陷天津聶士成陣亡

蝗見通海與海同知約罄各社倉

麥給鄉民麥一升易蝗一斗所居常樂鎮不爲災

七月十二日始太白經天十日

聞二十一日兩宮西狩

聞瀏陽唐

才常在鄂被捕屬鄂友言於南皮曰光武魏武軍中焚書安反側事可念也識武進劉厚生垣